

Headline	UPM terima dana RM1 juta		
Date	31. May 2008	Language	MALAY
Media Title	Harian Metro	Page No	17
Section	Setempat	Article Size	147 cm²
Circulation	336603	Frequency	Daily
Readership	2192000	Color	Full Color



UPM terima dana RM1j

KUALA LUMPUR: Universiti Putra Malaysia (UPM) menerima dana RM1 juta yang disumbangkan Asiatic Development Berhad (Asiatic) bagi tujuan pendidikan dan penyelidikan.

Asiatic antara syarikat perladangan utama negara, hartaanah dan bioteknologi yang dimiliki Genting Berhad.

Naib Canselor UPM, Prof Datuk Dr Nik Mustapha R Abdullah, berkata dana itu akan di-

gunakan sebagai biasiswa pelajar, tajaan program penyelidikan serta pembiayaan aktiviti pengajaran dan pembelajaran.

"Ia akan dikenali sebagai 'Tan Sri (Dr) Lim Goh Tong Endowment Fund' sebagai memperingati sumbangan pengasas Asiatic itu.

"Manakala geran biasiswa yang dinamakan 'Tan Sri (Dr) Lim Goh Tong Scholarship' akan diberikan kepada pelajar yang layak di UPM sendiri,"

katanya sebelum majlis menandatangani memorandum perjanjian (MoA), di UPM, semalam.

MoA itu ditandatangani Pengerusi Asiatic, Tan Seri Mohd Amin Osman manakala UPM diwakili Dr Nik Mustapha.

Asiatic dan UPM turut melantik tiga wakil masing-masing bagi membentuk satu jawatankuasa mengendalikan tabung pembiayaan terbaik.

Sementara itu, Mohd Amin dalam ucapannya berkata, dana itu diberikan kepada UPM bagi melaksanakan tanggungjawab sosial mendidik dan melahirkan pelajar berkualiti dalam semua bidang diceburi.

"Semoga program latihan praktikal pelajar UPM untuk meningkatkan kecekapan bukan hanya dilakukan di Asiatic malah dengan semua syarikat Kumpulan Genting," katanya.